

Član 7.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-4510-1/14

04. maja 2015. godine

Sarajevo

Općinski načelnik

Dževad Bećirević, s. r.

Objavljeno na oglasnoj ploči OC dana 12.05.2015. godine.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 04.05.2015. godine, verifikovao je i donio

ODLUKU

O KOREKCIJI REGULACIONOG PLANA

"JAGOMIR II"

Član 1.

Usvaja se korekcija Regulacionog plana "Jagomir II" ("Službene novine Kantona Sarajevo", broj 15/03), u daljem tekstu: korekcija Plana.

Član 2.

Korekcijom Plana mijenja se i opis granice RP "Jagomir II" i glasi:

Granica obuhvata Plana počinje sa tromede parcela k.č. 26/2, 18 i 1627 (put) K.O. Sarajevo VI i ide na jugoistok međama parcela k.č. 18 i 20 (obuhvata ih) i dolazi do tromede parcela k.č. 23, 20 i 26/2, nastavlja na jugoistok sijajući u pravoj liniji parcelu k.č. 23 i dolazi na jugozapadni rub parcele k.č. 63, nastavlja na jugoistok idući međom parcela k.č. 63, koju ne obuhvata, lomi se idući u pravcu juga istočnim međama parcela k.č. 61 i 60 (obuhvata ih), skreće na istok idući sjevernim međama parcela k.č. 277, 177/1, 128 i 127/1 (obuhvata ih) i izlazi na Koševski potok, k.č. 1641, kojim nizvodno ide u pravcu juga (obuhvata ga) i dolazi do Nahorevske ulice, k.č. 1647, K.O. Sarajevo VI, ide u pravcu juga istočnom stranom ulice Nahorevska, k.č. 1647 (obuhvata je) i dolazi do mjesta gdje na istu izlazi put, k.č. 972, lomi se na sjeverozapad idući putem, k.č. 972 (obuhvata ga) presijecajući Koševski potok, nastavlja na jugozapad te zapad idući međama parcela k.č. 971, 970, 953 i 952 (obuhvata ih) i dolazi na ulicu Kromolj k.č. 1626 kojom nastavlja u pravcu jugozapada (obuhvata je), a obuhvatajući sa njene istočne strane groblje, k.č. 997/1, i dolazi do njenog raskršća sa ulicom Slatina, k.č. 1629, kojom produžava na sjeverozapad (ne obuhvata je) u dužini od 360 m, skreće na sjever idući trasom projektovane saobraćajnice, koju obuhvata, a koja ide preko parcela k.č. 302 i 312, i dolazi do poligone tačke br. 1530 (tačka A u grafičkom prilogu br. 1), koja se nalazi na medi između parcela k.č. 313/1 i 304, potom presijeca parcelu k.č. 304 i dolazi na njen najjužniji rub, te nastavlja na sjeveroistok idući međom parcele k.č. 304 (ne obuhvata je) i dolazi u tačku br. 1 koja se nalazi na medi između parcela k.č. 304 i 302 udaljenoj od jugoistočnog ruba parcele k.č. 304 7 m, potom se lomi na jug do tačke br. 2 koja se nalazi na parceli k.č. 302 udaljenoj od jugozapadnog ishodišta lista R = 1:1000 broj 51 po y = 266,5 m a po x = 8 m, lomi se na istok do tačke br. 3 koja se nalazi na parceli k.č. 302 udaljenoj od jugozapadnog ishodišta lista R = 1:1000 broj 51 po y = 330 m a po x = 30 m, potom skreće na sjever idući međama parcela k.č. 302 i 303 (ne obuhvata ih) i dolazi u tačku br. 4 koja se nalazi na 44 m od južnog ruba parcele k.č. 303, presijeca parcelu k.č. 1625 i dolazi do novoprojektovane saobraćajnice (obuhvata je, - tačka B u grafičkom prilogu 1) a koja ide preko parcela k.č. 295 i 293, 297 (obuhvata je) presijeca u pravoj liniji parcelu k.č. 296 i dolazi do tačke broj 5, koja se nalazi na medi između parcela k.č. 297 i 296, udaljenoj od sjeveroistočnog ishodišta lista R = 1:1000 broj 62 po

y=305 m, a po x= 35 m, skreće u pravcu sjevera te istoka idući međom parcela k.č. 301 i 300 (obuhvata ih) i izlazi ponovo na ulicu Kromolj, k.č. 1626, kojom nastavlja u pravcu sjevera te sjeverozapada (obuhvata je), skreće u pravcu sjevera idući istočnom stranom puta, k.č. 1627 (obuhvata ga) i dolazi do tromede odnosno mjesta odakle je opis granice i počeo.

Sve naprijed navedene parcele nalaze se u K.O.

Sarajevo VI.**Ukupna površina obuhvata iznosi 35,2 ha.**

Član 3.

Korekcijom Plana je iz obuhvata RP "Jagomir II" (sjeverni dio obuhvata) isključen dio površine a koji je u granicama Urbanističkog projekta "Golf - igralište Betanija", te je formirana građevinska parcela za izgradnju ambasade i rezidencije UAE - grafički prilog 3 i 4.

Do promjene trase je došlo u momentu pristupanju izradi i usvajanju Urbanističkog projekta "Golf - igralište Betanija", a koji je dio Regulacionog plana "Gradski park Betanija".

Promjena granica kao i trasa saobraćajnice MOR će se unijeti u Izmjene i dopune Prostornog plana Kantona Sarajevo za period od 2003 do 2023. godine koji je u toku izrade.

Član 4.

Korekcija Plana sastoji se iz tekstualnog dijela i grafičkih priloga koji su predmet korekcije.

Tekstualni dio i grafički prilozi korekcije Plana su sastavni dio Regulacionog plana "Jagomir II" ("Službene novine Kantona Sarajevo", broj 15/03).

Član 5.

Korekcija Plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Jagomir II", te pribavi saglasnosti nadležnih javnih komunalnih preduzeća.

Član 6.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave Grada Sarajeva - Službe za urbano planiranje i stambene poslove i Ministarstva prostornog uređenja i zaštite okoliša Kantona Sarajevo.

Član 7.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-4510-2/14

04. maja 2015. godine

Sarajevo

Općinski načelnik

Dževad Bećirević, s. r.

Objavljeno na oglasnoj ploči 12.05.2015. godine.

U skladu sa Odlukom o uspostavi registra budžetskih korisnika Općine Centar Sarajevo ("Službene novine Kantona Sarajevo", broj 49/14), utvrđuje se

REGISTAR

BUDŽETSKIH KORISNIKA OPĆINE CENTAR
SARAJEVO ZA 2016. GODINU

Redni broj budžetskog korisnika iz Registra (RBK broj)	Naziv budžetskog korisnika	Identifikacioni broj ID broj	Adresa budžetskog korisnika
1	5	9	10
00013	OPĆINA CENTAR SARAJEVO	4200650440009	Mis Irbina 1

21. maja 2015. godine
SarajevoOpćinski načelnik
Dževad Bećirević, s. r.